

Strom. p. 354. Facit is triplicem, quae a Mose tradita est, Philosophiam, ἱστορικὴν, Νομοθετικὴν, Ἱεραργικὴν, et Θεολογικὴν, quarum postremam diserte ἐποπτείαν nominat. Quid ergo obstat, quo minus Epoptae Theologi appellentur.

XXIX. Quae haecenus de significatione Theologorum dicta sunt, ea sane, reiectis modo impuritatibus, omnium rectissime in Ioannem, propter ἀποκάλυψιν, conueniunt. Est ille προφήτης, et de futuris Ecclesiae fati uaticinatur. Est Epopta, admissus namque est ad uisionem summorum mysteriorum, quae coram uidit et percepit. Totus liber scatet mysteriis, et ἀνιγματικῶς est conscriptus. Et μυστηρίων quidem nomine, in ipsa Apocalypsi, quas Ioannes habuit, uisiones insigniuntur. uid. c. i. 20. ἀνιγματικὴν uero scribendi rationem ipsius libri inspectio docet, cumque Nepos aliquando ἔλεγχον ἀλληγοριστῶν ederet, in quo grauiter perstringebat doctores, librum ἀλληγορικῶς interpretantes, aduersarium ille habuit Dionysium Alexandrinum, uirum grauem, et Chiliaisticis, quibus Nepos indulgebat, opinionibus, commentisque infensissimum. Hinc sensus saepe numero latet absconditus. Neque aliquis credo, repertus est, qui, sensum sese ἀποκαλύψεως in omnibus assecutum esse, dixisset. Iosephus quidem Scaliger, quod Scaligeriana confirmant, p. 26. gloriatus quondam est, *se nihil ignorare eorum, quae in Apocalypsi continentur.* Sed pertinent haec ad δοκησισοφίας specimina, quae Scaliger, non pauca edidit. Rectius Dionysius Alexandrinus L. VII. 23. μείζονα δὲ τῆς ἑμαυτοῦ φρονήσεως τὴν ὑπόληψιν τὴν περὶ αὐτοῦ λαμβάνων, κεκρυμμένην εἶναι τινα, καὶ θαυμασιωτέραν τὴν καθ' ἕκαστον ἐκδοχὴν ὑπολαμβάνω. Καὶ γὰρ εἰ μὴ συνίημι, ἀλλ' ὑπονοῶ γε γούν τινα βαθυτέρον ἐγκείμεναι τοῖς ῥήμασιν. Οὐκ ἰδίῳ τὰυτα μετρῶν καὶ κρίνων λογισμῶ, πίσει δὲ πλέον νέμων, ὑψηλότερα ἢ ὑπὸ ἑμαυτοῦ καταληφθῆναι νενόμικα. Inde igitur Ioanni nomen ΘΕΟΛΟΓΟΥ

TANTVM.

Coll. diss. F. 30, m. 5c, 4